



ՀԱՅԱՍՏԱՆԻ ԱԶԳԱՅԻՆ ՊՈԼԻՏԵԽՆԻԿԱԿԱՆ ՀԱՄԱԼՍԱՐԱՆ

ԾՐԱԳՐԱՎՈՐՄԱՆ, ԷԼԵԿՏՐՈՆԱՅԻՆ ՀԱՄԱԿԱՐԳԵՐԻ ՍՊԱՍԱՐԿՄԱՆ
ԵՎ ՄԱՐԲԵԹԻՆԳԻ ԲԱԺԻՆ

ՀԱՄԱՁԱՅՆԱԳԻՐ

ԱՆՁՆԱԿԱՆ ՏՎՅԱԼՆԵՐԻ ՄՇԱԿՄԱՆ ԵՎ ՀՐԱՊԱՐԱԿՄԱՆ ՎԵՐԱԲԵՐՅԱԼ

1. ՆԵՐԱԾՈՒԹՅՈՒՆ ԵՎ ՆՊԱՏԱԿՆԵՐ

1.1. Ներածություն

Սույնով՝ հիմք ընդունելով «Անձնական տվյալների պաշտպանության մասին» ՀՀ օրենքը, տալիս եմ իմ համաձայնությունը՝ «Հայաստանի ազգային պոլիտեխնիկական համալսարան» հիմնադրամին (այսուհետ՝ **Տվյալներ մշակող**)՝ հասցե՝ ՀՀ, ք. Երևան, 0009, Տերյան 105, **Տվյալների սուբյեկտի** հանրամատչելի, կենսաչափական կամ հատուկ կատեգորիայի անձնական տվյալներ մշակելու և հրապարակելու համար:

1.2 Անձնական տվյալների մշակման նպատակը

Նպատակներն են՝

- 1.1.1 **Տվյալներ մշակողի** ծրագրերում և նախաձեռնություններում մասնակցության կազմակերպում,
- 1.1.2 մարքեթինգային, տեղեկատվական և կրթական արշավների իրականացում և համապատասխան նյութերի հրապարակում,
- 1.1.3 կրթական գործընթացի և միջոցառումների լուսաբանում,
- 1.1.4 հիմնադրամի կամ հիմնադրամի ենթակայության տակ գտնվող ուսումնական/վարչական մասնաշենքերի, բակի կամ այլ ենթակառուցվածքի մուտքի և ելքի հասանելիության ապահովում:

2. ՄՇԱԿՄԱՆ ԵՆԹԱԿԱ ԱՆՁՆԱԿԱՆ ՏՎՅԱԼՆԵՐԻ ՇՐՋԱՆԱԿԸ ԵՎ ԻՐԱԿԱՆԱՅՎՈՂ ԳՈՐԾՈՂՈՒԹՅՈՒՆՆԵՐԻ ՑԱՆԿԸ

2.1. Մշակման ենթակա են «Անձնական տվյալների պաշտպանության մասին» ՀՀ օրենքի 3-րդ հոդվածի 1-ին մասի 12, 13 և 15 կետերով սահմանված հետևյալ անձնական տվյալները՝

- 2.1.1. Անուն, ազգանուն, հայրանուն:
- 2.1.2. Էլեկտրոնային փոստի հասցե:
- 2.1.3. Բջջային հեռախոսահամար:
- 2.1.4. Մասնագիտական պատկանելիություն (աշակերտ, ուսանող, շրջանավարտ, աշխատակից և այլն):
- 2.1.5. **Կենսաչափական տվյալներ**՝ լուսանկար, տեսագրություն:
- 2.1.6. Հանրային ծառայությունների համարանիշ:
- 2.1.7. Այլ հանրամատչելի անձնական տվյալներ:



ՀԱՅԱՍՏԱՆԻ ԱԶԳԱՅԻՆ ՊՈԼԻՏԵԽՆԻԿԱԿԱՆ ՀԱՄԱԼՍԱՐԱՆ

ԾՐԱԳՐԱՎՈՐՄԱՆ, ԷԼԵԿՏՐՈՆԱՅԻՆ ՀԱՄԱԿԱՐԳԵՐԻ ՍՊԱՍԱՐԿՄԱՆ
ԵՎ ՄԱՐԲԵԹԻՆԳԻ ԲԱԺԻՆ

2.2. Անձնական տվյալների հետ իրականացվող գործողությունները

Իրականացվելու է անձնական տվյալների մշակում «Անձնական տվյալների պաշտպանության մասին» ՀՀ օրենքի 3-րդ հոդվածի 1-ին մասի 2 կետի համաձայն, մանսավորապես՝

2.2.1 Տվյալների հավաքագրում և գրանցում:

2.2.2 Դասակարգում, պահպանում և օգտագործում:

2.2.3 Լուսանկարների և տեսանյութերի դեպքում՝ հավաքագրում, արխիվացում, գրաֆիկական մշակում և հնարավոր հրապարակում:

2.2.4 Տվյալների տրամադրում ՀՀ օրենսդրությամբ և սույն համաձայնագրով սահմանված երրորդ անձանց:

3. ՏՎՅԱԼՆԵՐԻ ՍՈՒԲՅԵԿՏՆԵՐԻ ՇՐՋԱՆԱԿԸ

Տվյալների սուբյեկտների շրջանակը հետևյալն է՝

3.1. ՀԱՊՀ հիմնադրամի աշխատակիցներ:

3.2. ՀԱՊՀ հիմնադրամի ուսանողներ:

3.3. ՀԱՊՀ հիմնադրամի աշակերտներ:

3.4. ՀԱՊՀ հիմնադրամի նախակրթարանի սաներ:

3.5. ՀԱՊՀ հիմնադրամի այցելուներ:

3.6. ՀԱՊՀ հիմնադրամի հյուրեր:

3.7. ՀԱՊՀ հիմնադրամի գործընկերներ:

4. ԿԵՆՍԱԶԱՓԱԿԱՆ ԱՆՁՆԱԿԱՆ ՏՎՅԱԼՆԵՐԻ ՕԳՏԱԳՈՐԾՄԱՆ ՊԱՅՄԱՆՆԵՐ

4.1. **Տվյալներ մշակողը** կարող է իրականացնել լուսանկարահանում և տեսաձայնագրում ՀԱՊՀ հիմնադրամի ենթակայության տակ գտնվող ամբողջ տարածքում կամ ենթակայության տարածքից դուրս՝ ՀԱՊՀ հիմնադրամի հետ անմիջական առնչություն ունեցող ցանկացած գործընթացի, այդ թվում՝ կրթական, պետական, հանրային կամ միջազգային միջոցառումների ընթացքում:

4.2. Ստացված մեդիա նյութերը կարող են պարունակել **Տվյալների սուբյեկտի** կենսաչափական անձնական տվյալներ:

4.3. **Տվյալներ մշակողը** իրավունք ունի՝

4.3.1. **Տվյալների սուբյեկտի** կենսաչափական անձնական տվյալներ պարունակող մեդիա նյութերը հրապարակել **Տվյալներ մշակողի** սոցիալական մեդիայի պաշտոնական էջերում,

4.3.2. **Տվյալների սուբյեկտի** կենսաչափական անձնական տվյալներ պարունակող մեդիա նյութերը օգտագործել ուսանողական գրքույկներում, շնորհանդեսներում, հաշվետվական նյութերում,



ՀԱՅԱՍՏԱՆԻ ԱԶԳԱՅԻՆ ՊՈԼԻՏԵԽՆԻԿԱԿԱՆ ՀԱՄԱԼՍԱՐԱՆ

ԾՐԱԳՐԱՎՈՐՄԱՆ, ԷԼԵԿՏՐՈՆԱՅԻՆ ՀԱՄԱԿԱՐԳԵՐԻ ՍՊԱՍԱՐԿՄԱՆ
ԵՎ ՄԱՐԲԵԹԻՆԳԻ ԲԱԺԻՆ

- 4.3.3. **Տվյալների սուրբյեկտի** կենսաչափական անձնական տվյալներ պարունակող մեդիա նյութերը հրապարակել և օգտագործել հիմնադրամի հաղորդակցության և կառավարման բոլոր հարթակներով և գործիքամիջոցներով՝ ներառյալ թվային:
- 4.3.4. **Տվյալների սուրբյեկտի** կենսաչափական անձնական տվյալներ պարունակող մեդիա նյութերը փոխանցել գործընկեր կամ հանրային զանգվածային լրատվամիջոցներին հետագա հրապարակման համար:

5. ՏՎՅԱԼՆԵՐԻ ՍՈՒԲՅԵԿՏԻ ԻՐԱՎՈՒՆՔՆԵՐԸ

5.1. Տվյալները սուրբյեկտը կամ իր լիազորված ներկայացուցիչը իրավունք ունի՝

- 5.1.1. տեղեկանալ, թե ինչ տվյալներ են մշակվում **Տվյալների սուրբյեկտի** վերաբերյալ,
- 5.1.2. պահանջել դրանց ուղղում, արգելափակում կամ ոչնչացում, եթե **Տվյալների սուրբյեկտի** անձնական տվյալների մշակումը չի իրականացվել ՀՀ «Անձնական տվյալների պաշտպանության մասին» ՀՀ օրենքի և սույն համաձայնագրի կետերին համաձայն կամ ոտնահարում է **Տվյալների սուրբյեկտի** սահմանադրական իրավունքները: